

DURNYAŦ KIKƎ BE KEYILI KPRA TA LAŦƎ DIMEDI KIKƎ BE KUMU SO BE ASHYEŦ NƎ MOBE KASHINTEŦ AKPA

ASHEŦFƎSO

Kepin nƎ kemaŋkura, dimedi be eyilikpa nƎ mobe kumu so be asheŦ e la mobe kashinterŦ nƎ eyur-wushi be egbel-tulwase.

KedƆ nƎ kekplaŋ dimedi be kashinterŦ ere so e naa bra barkƆnƎ, a duu mfƎra lubi dimedi be kumu to, n naŋ shi nƎ dumyaŋ to dimedi bu kebaa malga yƎlyƎla, ebƆrƎshuŋ, kayerŋi-yeŋji nƎ kanyƎ kii asheŋ kpakpa so bebolpo kutƆ.

Ku daga fanƎ awura-sheŋ be mbra ka bee kuŋ dimedi be kashinterŋ n sa maa shi nƎ eko maa kini mo barkasa nko a nyaŋ mo.

A daga keteŋji efuli-ana be kakurwe kelepo so.

YunatƎd Neshin be baasa sa yƎrda kawol to ta a laŋƎ baasa be kashinterŋ-kpra nƎ bumode eyilikpa nƎ bu tiŋ teŋji bumobe kachena nƎ kebawƆƆ lƎla be akpa so.

Efuli-ana nƎ a wƆ kƆnƆkoŋwole ere to bƆ ntaŋ fanƎ baŋ pƎ abar be nsher to n nya bunyaŋ nƎ kemaŋkur kashinterŋ ere to.

Ekama be kepin kashinterŋ nƎ kumu so be asheŋ ere e la demu kpra nƎ ku beeŋ chƎ to n teŋji ntaŋ ere so. Naniere, kumo so.

Durnyaŋ kikƎ be nshƎr gboŋ nna yili dimedi kikƎ be kumu so be asheŋ nƎ kashinterŋ ere.

Amuso, Kamalga ere to

BEE ŦINI FANƎ "GENERAL ASSEMBLY" BEE

KaŋƎ ekama fanƎ kayili nƎ kuwƆ kawol ere to la amo nƎ a beeŋ wƆrƆ anfaani nsa ekama mo ne ewƆ efuli nna so. Ekama nta n-ya mata durinya kikƎ be mmalga yiliso so. Adaga efuli kikƎ eshuli n sa kamalga mo nƎ kuwƆ kawal ere to nta kumo nki kapatƎ nsa anye. Nsa nƎ kamalga ere eluri efuli kikƎ nƎnƎ: epeŋji petƎkpa, epeŋji-tƆrkpa, banaso, jisaso kusƆ nƎ adaga anye kikƎ ewurƆ nna ela.

Demu 1

Bu kurwe dimedi kikƎ mobe kumu so, nƎ mobe, eyilikpa, kesheŋ nƎ kashinterŋ maŋ kƆr eko peyƎ to. Nyinpela sa dimedi kikƎ lakal nƎ mfƎra fanƎ bu chena abarso kelepo so.

Demu 2

Ekama kƆ ekpa ta a laŋƎ kashinterŋ ere kikƎ nƎ kumu so be asheŋ nƎ a wƆ keyili kpra ere to nƎ nkpiƎto kikƎ maŋ wƆƆ ashi yiri, kawol be ndu li, kenyeŋ/keche, ngbar, ebƆrƎ shuŋ, kumu be kekeni nko lakal ko, efuli so nko kebawƆƆ be ekpa so, kapitƎ, kakurwe nko eyililkpa ko be kabaso.

N naŋ tii so, nkpiƎto kikƎ e sa maŋ wƆƆ ta a yƆ kumu be kekeni to, demu-ji to, nko efuli nƎ fo shi be eyilikpa durnyaŋ to nƎ loŋ be efuli nna suwe kumo kumu a keni kumo kumu so, nko efuli ko e naa keni kumu so ekpa ko so.

Demu 3

Ekama kƆ kashenteeŋ nƎ mobe efute nƎ mobe kumu be kekuŋ.

Demu 4

A maŋ daga nƎ eko e baa wƆ kenyaŋa nko kanyaŋ to. Kenyaya, kenya-tƆ nƎ kenya-fa be ekpa kama so daga ku ju.

Demu 5

A maŋ daga bu ka nyaŋ eko nko n wƆƆ mo ebasa to, nko n gberge mo kusoe.

Demu 6

Ekama kƆ kashinterŋ, kaplƎ-kama nƎ e wƆ nƎ bu pin fanƎ esa e la mo mbra be ekpa so.

Demu 7

Ekama na la kukoŋwule nna mbra be ekpa so, a daga nƎ mbra na e kuŋ ekama nƎ nkpiƎto maŋ wƆƆ.

Demu 8

Ekama kƆ kashinterŋ nƎ bu yolge mo ashi efuli na be demu-ji akpa nƎ e ya dƆ kashinterŋ kpra nƎ mbra yili mo nna so.

Demu 9

Ekama maŋ daga nɛ bu pɛ mo jiga-jiga so, nko nɛ bu tii mo ebu nko n ju mo jiga-jiga so.

Demu 10

Ekama kɔ ekpa nɛ edemu-ji kpa nɛ a wɔ amobe amu so, a maa kpiɛ to na nɛ a mige mo to nɛnɛ nɛ jama kikɛ e nu ta a laŋɛ mobe kashinterŋ, asheŋ daga so nɛ kusoe gberge nɛ baŋ sa mo.

Demu 11

Ekama nɛ bu fa fo, fo kɔ kashinterŋ nɛ fo keni kefa nna, amɔ bu ji na mbri fo mbra be ekpa so jimaa to nɛ fo maŋ tiŋ chɛ fo kɔnɔ.

A maŋ daga nɛ bu fa ekama nkpal kesheŋ nɛ ku maŋ daga kusoe gberge so ashi efuli na nko efuli-ana kikɛ be mbra so, saŋɛ nɛ e wɔrɔ la be kesheŋ na. A maŋ naŋ daga nɛ bu gberge esa kusoe nɛ ku baa chɔ kumo nɛ bu junkpar n sa mo saŋɛ nɛ e wɔrɔ loŋ be kesheŋ nna.

Demu 12

A maŋ daga nɛ fo luri fo barkasa be asheŋ to jigajigasɔ, mo dawule, mobe keyale nko mobe kebɔaya akpa, nko nɛ fo tige fo barkasa be jilma nɛ mobe eyilikpa so. Ekama kɔ kashinterŋ nɛ mbra na e kuŋ mo ashi baasa be kebaa luri mobe asheŋ to nɛ ketige nko nduwe mobe jilma so.

Demu 13

Ekama kɔ kashinterŋ nɛ e baa nite mobe kumu so yɛlyɛla n naŋ tiŋ chena mobe efuli so.

Ekama kɔ kashinterŋ nɛ e ler efuli kikɛ so, nɛ mobe efuli so gba n naŋ tiŋ m bɛta m ba mobe efuli so.

Demu 14

Ekama kɔ kashinterŋ nɛ e yɔ efuli ko so n ya mɔlwe mobe kumu.

Nɛ bu fa esa kumobe ekpa so nkpal ashuŋ lubi nɛ e maa liɛ efuli na be kumu be kekeni be ekspaso nko asheŋ nɛ a bee dɔɔ kɔnɔkoŋwule be mbra na so, le be kashinterŋ maŋ wɔɔ.

Demu 15

Ekama kɔ kashinterŋ nɛ e shi efuli ko so.

A maŋ daga kekini eko mobe efuli so be keshi jiga-jiga nko n kini mobe kechɛrga efuli nɛ e shi na so.

Demu 16

Benyɛn nɛ beche ya bulɔ, bu kɔ kashinterŋ nɛ bu kil n taŋɛ kanaŋ nɛ sheŋ maa kuŋ bumo fanɛ yiri, efuli nɛ bu shi na so, nko kananɛ baa bunyaŋ ebɔrɛ. Bu kɔ kashinterŋ koŋwule ashi kakil to nɛ kakil gbeŋi so to.

Pɔɛ nɛ baasa e kil abar, a daga nɛ bumo-wura-ana be kenyi kikɛ e baa wɔ kakil na to.

Kanaŋ la ebɔrɛ so be kesheŋ na n naa la baasa to be katuŋ junkpar po nɛ a daga nɛ jamaa nɛ efuli kikɛ e baa kuŋ kumo.

Demu 17

Ekama kɔ kashinterŋ nɛ e baa kɔ mobe kumu so be kapitɛ nko mo nɛ mo bra-ana.

A maŋ daga kepuni nko m mɔn eko mobe kapitɛ.

Demu 18

Ekama kɔ mobe kumu so be mɛra be kashinterŋ, lakal nɛ kananɛ e bee bunyaŋ ebɔrɛ. La be kashinterŋ tii mobe kechɛrga kananɛ e bee bunyaŋ ebɔrɛ nko mobe yɛrda, nɛ mobe kumu so be keshuŋ ebɔrɛ-shuŋ mo nawule nko mo nɛ mo bra-ana.

Demu 19

Ekama kɔ mobe mɛra nɛ kamalga be kashinterŋ. La be kashinterŋ tii kumu so be mɛra be kefɛ nɛ sheŋ maa kuŋ mo, e naa kɔ mobe kashinterŋ nɛ e fin, n nya nko n sa kebɔaya nɛ lakal ekpa kikɛ so nɛ mbarga kikɛ maŋ wɔɔ.

Demu 20

Ekama kɔ mobe kashinterŋ nɛ e ba wɔ kagbenewushi be nshɛr to.

Bu maa nyaŋ eko a wɔɔ nshɛr ko to.

Demu 21

Ekama kɔ kashinterŋ nɛ e baa wɔ efuli so be awura-sheŋ to mo gbagba nko nɛ bu lara ba sa yɛlyɛla so nɛ bu yili bumo be ntilemu.

Ekama kɔ kashinterŋ nɛ eji mobe efuli so be kusɔnɛ ku la ekama peyɛ be tunɔ kananɛ eko gba beɛŋ ji kumobe tunɔ nna.

Baasa be aparshɛŋ a daga a ka la awura-sheŋ be egbel tulwase la be aparshɛŋ daga nɛ a shi saŋɛ saŋɛ be kɔnkɔŋ be keɛ kashinterŋ be ekpa so n naa la ekama be kesheŋ nɛ baa lɛ kɔnkɔŋ nna kegblando nko kumo nɛ ku bɛ kɔnkɔŋ be keɛ be mbra so.

Demu 22

Fo kama nɛ fo wɔ baasa to, fo kɔ kashinterŋ nɛ baasa e kuŋ fo, a daga nɛ fobe efuli so nɛ efuli-ana kikɛ ka pɛ abar be kashɛr to, efuli-ana be keblase to nɛ amobe kapitɛ be albarka to nɛ fo nya eyilikpa nɛ naŋkur nɛ ku daga fo dimedi nɛ dankare be ekpa so.

Demu 23

Ekama kɔ kashinterŋ nɛ e shuŋ kushuŋ, nɛ e fin mobe kumuso be kepar ke Kushuŋ n naŋ shuŋ kushuŋ mbra be ekpa so n naŋ kuŋ mobe kumu ashi ketase fuloŋ to.

Ekama kɔ kashinterŋ nɛ bu ka mo kakɔka koŋwule nɛ kushuŋ koŋwule nɛ nkpiɛto kikɛ maŋ wɔɔ.

Ekama kɔ kashinterŋ nɛ e ji mobe kushuŋ be tunɔ, mo nawule nko mo nɛ mobe keyale nɛ e naa wɔ kebawɔɔ nɛ ku daga dimedi, n naŋ fin kechɛto ko nɛ ku daga ashi baasa kutɔ.

Ekama kɔ kashinterŋ nɛ e baa wɔ beshumpo be kɔnkɔkoŋwule to nɛ bu baa kuŋ mobe aparshɛŋ.

Demu 24

Ekama kɔ kashinterŋ nɛ e wushi ashi mobe kushuŋ akpa nɛ mobe ketase fuloŋ to, kushuŋ na be jemanɛ e sa maŋ pɔɔ eshumpo na so nɛ e naŋ nu ebel ashi saŋɛ saŋɛ be ewushi nɛ ku kɔ kakɔka.

Demu 25

Ekama kɔ kashinterŋ nɛ e ba wɔ kebawɔɔ lɛla to, mo nɛ mobe keyale, ta alaŋɛ eyur be alemfia, ajibi-ji so, asɔ-buuso, kowu chena so to nɛ kusɔ kama nɛ ku la jamaa peyɛ, e naa kɔ kashinterŋ nɛ e kuŋ mobe kumu saŋɛ nɛ e maŋ naa wɔ kushuŋ to, nɛ e ka wɔ kulɔ to, nɛ kekulwu to, nɛ kenimu to nko kebawɔɔ ko nɛ ku maŋ duli mo.

Kenio to nɛ kebia to, kikɛ daga kekeni so nɛnɛ n naŋ daga kechɛ to. Mbia nɛ bu kurwe kakil to nko kejipo to daga kakuŋ koŋwule.

Demu 26

Ekama kɔ kashinterŋ nɛ e nya kebala nɛ kabii. Kebala nɛ kebii daga nɛ bekekarso na e nya kumo yɛlyɛlyɛ. Kebala nɛ kebii kekarso beɛŋ ba la boshinɛ. A daga ekama ka nya enɔ to nɛ broni be ashuŋ be kebala nɛ kebii; benimu malɛ be kebala nɛ kebii malɛ daga nɛ ku bɛ kenyi so.

Kebala nɛ kebii beɛŋ liɛ dimedi be eyur kudu-anyɔ kikɛ, n naŋ wɔɔ eleŋ to, jilma ta a laŋɛ dimedi be kashinterŋ nɛ mobe kumu so be asheŋ kpra ere. Ku beɛŋ teŋi kenu-n-sa-abar so, kanyiti nɛ kenakpa efuli-anan to, yiri nko ebɔrɛ be beshumpo be nturɔso-ana to, n naŋ teŋi. Durnyaŋ be efuliana be kɔnkɔkoŋwule be kebawɔɔ kikɛ nɛ kaŋbene wushi e baa wɔɔ.

Benawura-ana kɔ kashinterŋ nɛ ekpa nɛ bu lara kebala nɛ kebii be ekpa nɛ ku daga bumobe mbia.

Demu 27

Ekama kɔ kashinterŋ mobe kumu so nɛ e tiŋ wɔrɔ mobe baasa be adankaresheŋ n naŋ tiŋ ji adankare be asɔ lɔŋɛ so nɛ kabre be kachɛ be kinishi buwi be kenyi be tunɔ.

Ekama kɔ kashinterŋ nɛ ekpa nɛ e kuŋ mobe kumu so nɛ kebeleŋ be kushuŋ.

Demu 28

A daga nɛ ekama e nya dimedi nɛ efuli-ana kikɛ be kebawɔɔ, nɛ kashinterŋ nɛ kumu so be asheŋ nɛ a wɔ keyili kpra ere to e kurwe ebi lɛla.

Demu 29

Ekama kɔ mobe kushuŋ baasa to, bumo to nɛ e bee kii esa lɛla.

Nɛ esa bee bo mobe kashinterŋ nɛ kumu so be asheŋ so a daga nɛ e baa de mbra so, saŋɛ na so e maŋ tɔr mo barkasa ko be geshi to, loŋ e beɛŋ wɔrɔ kusɔnɛ ku daga nɛ asheŋ e bɛ abar so nɛnɛ nɛ yɛ-nɛ-n-yɛ be kebawɔɔ e nya edesekpa baasa to.

Kashinterŋ nɛ kumu so be asheŋ ere maŋ daga ku wɔrɔ amo m foe ekpa kananɛ durnyaŋ be efuli-ana be kɔnkɔkoŋwule yili kumo nna.

Shɛŋ maŋ wɔ kawol ere to a ŋini faɛ efuli ko pkelerɛ, baasa nko esa ko dawule peyɛ nna, amoso eko maŋ kɔ ekpa nɛ e wɔrɔ kesheɛ ko nɛ ku beɛŋ jija kashinterɛ nɛ kumu so be asheɛ nɛ a wɔ kawol ere to.